

¡BOMBA!

En Canadá no hacen rosca,
no hallo en ningún recoveco,
pero dice aquella mosca
¡Trudeau se sacó el muñeco!



K'intsil

Martes 7 de enero de 2025

CAMPECHE · YUCATÁN · QUINTANA ROO · AÑO 10 · NÚMERO 2391 · www.lajornadamaya.mx

K'aak'as ba'alo'ob j-úuch tumen mina'an ja'e' tu kíinsajo'ob maanal 8 mil 700 máak tu ja'abil 2024

Efe / p 29
Oochel Ap



Le ja'ab máaniko' ja' yaan te'el yóok'ol kaaba' tu chiikbesaj jejeláas talamilo'ob ma' yáax ila'ako'obi; ts'o'oke' k'aak'as ba'al k'uch tu paache' tu kíinsaj maanal 8 mil 700 máako'ob; tu beeto'ob u luk'ul kex 40 miyoonesil máak tu'ux kaja'an yéetel ku tukulta'ale' ma' béeychaj u náajalta'al maanal 550 mil miyoonesil dólares.

U ts'iibil Monitor Mundial del Agua, tu'ux ku táakpajal

junmúuch' ajxaak'al máako'obe', ku ya'alik tu ja'abil 2004e' j-ila'ab "búulkabilo'ob yéetel yáax k'iin tu beet u je'elel ba'al".

Le ja'ab máaniko', leti'e' tu'ux jach u'uya'ab ooxol, ts'o'oke' lelo' ku jelbesik xan bix u péek ja' te'el yóok'ol kaabo', le beetik "ku yantal jela'an ba'alo'ob", a'alab te'el ts'iib belbesa'ab tumen Universidad Nacional de Australia (ANU).

K'aak'as ba'al j-úuch yanchaj ba'al u yil yéetel ja' tu ja'abil 2024e', leti'e' búulkabil ku yantal ichil junsúutuk, u ka'antal u beel ja', yáax k'iin, chak ik'alo'ob yéetel u yáalkab lu'um.

U chokotal yóok'ol kaabe' tu beetaj "u jach k'a'amtal cháak ts'o'oke' xaankunsab u máano'ob, je'el bix chiikpaj ti' le búulkabilo'ob yanchaj Europa, Asia yéetel Brasil", j-a'alab tumen máax jo'olbesik

ts'iib Albert van Dijk, ti' jump'éeel k'a'aytajil ts'iib.

Beyxan, ichil uláak'o'ob yanchaje', búul Afganistán yéetel Pakistán, tu'ux jkiim maanal mil máak, wa le dana yanchaj tu winalil octubre tu lu'umil España, tu'ux jkiim 232 máak úuchik u yantal maanal 500 litros yóok'ol jump'éeel metro cuadrado chéen ichil ocho horas.